

Terenga 5: Hōtaka 4 – He pū hei honohono

He Mihi

E kore e rangona te oruōrua o te reo, ki te takitahi, ki te tautauāmoa rānei te karawhiu. Engari anō te waiata ā-kapa, hei reira rawa rangona ai te rōreka o ngā reo tōiriiri, o ngā reo panguru me ngā reo pekerangi, hei hāpai i te rangi matua. Haria mai tō reo hei hāpai i ngā reo o roto i te kapa nei, o Ako.

Hei Mahi Whakarongo

E whai ake nei tētehi uiui i pāhotia i runga i te hōtaka o Mataora i te tau kua hori. Ko Herea Winitana te tangata e uiuitia ana, te māngai o tana whānau e pā ana ki te kōpae waiata i whakarewaina e rātou i tērā tau.

Anei ngā pātai hei whakautu mā koutou:

- 1) Ko wai mā ngā ingoa o ngā Māui tokowhā nei o te whānau Winitana?
- 2) Ko ēhea momo waiata ka whāia e Herea?
- 3) He aha te tikanga o te ingoa o te kōpae?

Kia whakarongo ake rā tātou ki te poutoko reo o roto i te whare o Pūkana, ki a Herea Winitana.

He Whakamārama


Tēnā tuhia tēnei ture ki te rae:

- **anō hoki** = he pū hei honohono - Kaua e tīmata i te kīanga ki ēnei pū! Me noho ēnei pū ki muri i te mea tuarua, tuahia rānei e honoa ana.

- 1) He pepa, he pene, he rorohiko **anō hoki** ngā taputapu hei hari māu ki te hui. ✓
- 2) He pepa, he pene, **anō hoki** he rorohiko ngā taputapu hei hari māu ki te hui. ✗
- 3) **Anō hoki** he pepa, he rorohiko ngā taputapu hei hari māu ki te hui. ✗

He Mahi Ī-papa

Tuhia he rerenga hei whakatauiria i ngā kupu hono kei runga i te Ī-papa:



Hei Mahi

Whakamāoritia ngā rerenga kōrero e whai ake nei:

1. I'm going to the concert and what's more, I have awesome tickets!
2. My father is from Ngāti Raukawa and also Ngāti Mahuta.
3. You're late, and as a result, you're fired.
4. I've seen a white heron and I've photographed a tuatara.
5. Robert, Tere and Maria are going to Rotorua.

Whakautu:

Mahi Ī-papa: Ko Rēweti taku tungāne, ka mutu, ko ia anake te tama o tō mātou whānau.

1. E haere ana au ki te konohete, ka mutu, he rawe āku tīkiti!
2. Nō Ngāti Raukawa, nō Ngāti Mahuta anō hoki tōku pāpā.
3. Kua tūreiti koe, me te aha, kua panaia koe.
4. Kua kite au i tētahi kōtuku, ā, kua whakaahuangia tētahi tuatara.
5. E haere ana a Rōpata rātou ko Tere, ko Maria ki Rotorua.